



Broj: 05-036-266/17
Sarajevo, 13.09.2017. godine

Na osnovu člana 69. stav (3), člana 70. Stav (1), (4) i (6) Direktor Zavoda za izgradnju Kantona Sarajevo Zakona o javnim nabavkama BiH („Službeni glasnik BiH”, broj 39/14), postupajući po Rješenju Ureda za razmatranje žalbi broj JN2-03-07-1-772-8/17 od 07.09.2017.godine, Direktor Zavoda za izgradnju Kantona Sarajevo *donosi*

ODLUKU o poništenju postupka javne nabavke

1. Poništava se otvoreni postupak javne nabavke: “Nabavka opreme, izrada i montaža sistema video nadzora na području Opštine Vogošća” u skladu sa članom 69. stav (3) Zakona o javnim nabavkama BiH odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.
2. Za izvršenje ove odluke zadužuje se Sektor za izgradnju objekata i opremanje gradskog građevinskog zemljišta Zavoda za izgradnju Kantona Sarajevo.
3. Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.
4. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.
5. Sastavni dio ove odluke je Rješenje Ureda za razmatranje žalbi broj JN2-03-07-1-772-8/17 od 07.09.2017.godine.

Obrazloženje

Predmetni postupak javne nabavke pokrenut je Odlukom o pokretanju postupka javne nabavke broj: 05-036-184/17 od 04.07.2017.godine, te je javna nabavka pokrenuta putem otvorenog postupka za javnu nabavku roba. Obavještenje o predmetnoj javnoj nabavci objavljeno je na Portalu javnih nabavki dana 05.07.2017. pod brojem 285-1-1-41-3-46/17, a sažetak istog objavljen je u Službenom glasniku BiH broj 51/2017 od 14.07.2017.godine.

Dana 13.07.2017. godine pod brojem 03-033-5136 Zavod za izgradnju Kantona Sarajevo zaprimio je **žalbu izjavljenu na tendersku dokumentaciju za “Nabavku opreme, izradu i montažu sistema video nadzora na području Opštine Vogošća”** od strane ponuđača *Sword Security d.o.o. Sarajevo*. Postupajući po predmetnoj žalbi Zavod je utvrdio da je ista blagovremena, dopuštena i izjavljena od ovlaštenog lica, te je donio Odluku o djelomičnom usvajanju predmetne žalbe broj: 05-036-196/17 od 18.07.2017. godine. Protiv navedene Odluke o djelomičnom usvajanju žalbe žalitelj je izjavio žalbu dana 24.07.2017. godine pod brojem: 03-033-5349 koju je zajedno sa Izjašnjenjem na žalbu u skladu sa članom 100. Stav (5) Zakona o javnim nabavkama Zavod proslijedio Uredu za razmatranje žalbi, Podružnica





Mostar dana 26.07.2017. godine. Navedena žalba je kompletirana uplatom naknade za pokretanje žalbenog postupka dana 07.08.2017. godine.

Obzirom da izjavijenja žalba odgađa nastavak postupka javne nabavke u skladu sa članom 110. Zakona o javnim nabavkama BiH, Zavod je obavijestio sve ponuđače koji su učestvovali u postupku javne nabavke o obustavi predmetnog postupka do rješavanja Ureda za razmatranje žalbi po predmetnoj žalbi.

Dana 11.09.2017. godine na Protokol Zavoda zaprimljeno je Rješenje Ureda za razmatranje žalbi broj JN2-03-07-1-772-8/17 od 07.09.2017. godine, zaprimljeno dana 11.09.2017. godine, kojim je žalba ponuđača *Sword Security d.o.o. Sarajevo* uvažena, te se u cijelosti poništava predmetni postupak javne nabavke, uključujući Odluku o djelomičnom usvajanju žalbe broj: 05-036-196/17 od 18.07.2017.godine i tendersku dokumentaciju s obavještenjem o nabavci broj: 285-1-1-41-3-46/17.

Postupajući u skladu sa Rješenjem Ureda za razmatranje žalbi, Direktor Zavoda za izgradnju Kantona Sarajevo donio je Odluku kao u dispozitivu.

Pouka o pravnom lijeku:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi i to u roku od 10 (deset) dana od dana prijema ove Odluke o poništenju postupka. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 800,00 KM i dokaz o istoj podnosi se Uredu za razmatranje žalbi, a u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

Dostaviti:

1. Svim ponuđačima
2. Sword Security d.o.o. Sarajevo
2. Općina Vogošća
3. a/a



DIREKTOR

Ljiljana Pelidija, dipl.ing. građ.

